

書名 新編古今事文類聚外集十五卷 泰定
三年廬陵武溪書院刊本
撰者 元 富大用 撰
卷 卷十五
內容分類 子 類書 彙考 宋
索書號 貴重-19
編號 C5930300

卷十五

[彩色首頁1](#)
[彩色首頁2](#)

[東洋文化研究所漢籍目錄 編號: C5930300](#)

[東洋文化研究所漢籍目錄所藏漢籍善本全文影像資料庫 索書號: 貴重-19](#)

[漢籍善本全文影像資料庫文本新編古今事文類聚外集十五卷 泰定三年廬陵武溪書院刊本](#)

[版權所有: 東京大學 東洋文化研究所](#)

[使用上的注意事項](#)

東宮部

卷一

新編古今事文類聚目錄

南江富大用時可編

三師三少

各具本題之下更不具載

各具本題之下更不具載

廣受師少


令太子拜

見輒先拜

請赴資善堂

生員輔弼

No. 1473 三
北



2
3
4
5
6
7
8
9
10

新編古今事文類聚卷之十五

外集

南江富大用時可編

縣官部

縣丞

歷代沿革

秦制萬戶以上為令減萬戶為長比皆有丞尉漢縣丞尉多以本部人為之三輔縣則兼用他郡諸縣

皆有主刑獄囚徒後漢署文書典知倉獄署諸曹掾史自晉

後無丞宋惟建康有獄丞及隋革選盡用他郡人漢已下皆

用一人唐置京縣丞三員北京太原晉陽各置一人高宗始

為品官吏部選授為縣令之二宋不置丞天聖中因蘇耆請

開封兩縣始各置丞一員在簿尉之上仍於有出身幕職令

錄選充時兩縣簿尉多差出本縣闕官故者有此請皇祐

中詔赤縣丞並除新改官人熙寧四年編修條例所言諸路
州軍繁劇縣令戶二萬已上增置縣丞一員以幕職官或縣
令人充元祐元年詔應因給納常平免役置丞並行省罷如
委是事務繁劇難以省罷處令轉運司存留崇寧二年宰臣
蔡京言熙寧之初修水土之政行市易之法興山澤之利皆
王政之大請縣並置丞一員以掌其事縣丞昔大邑有之至
是不以邑之大小皆得置丞使主管常平坑治農田水利大
觀三年詔昨增置縣丞內除舊額及修去處依舊存留外餘
皆減罷建炎元年詔縣丞係嘉祐以前員闕并萬戶存留一
員餘並罷紹興三年以淮東累經其火權置縣丞十八年置
海陵丞一員

羣書要語

佐理一司二職百里白六帖二子男之職佐卓魯
之政 梁竦曰州縣之職徒勞人耳並同上以管

州有上佐縣有丞簿俗謂閑官不領公事殊乖制作之本意續
通典大中四年敕書

稱曰廉吏

黃霸為潁川 許丞年老病聾督郵白欲逐之霸曰許丞廉
吏雖老尚能拜起

惟曰清員

唐陸景倩為扶清丞按察使畢講覆州縣殿最惟景倩曰清員
俱有聲氣

裴子雨為下邳令張晴為縣丞二人俱有聲氣而善言語會
事移時人吏竊相謂曰縣官甚不和長官稱雨贊府道晴終
如此不和也南郡新書

為丞不樂

後漢相譚字君山數言忤旨出為陵安丞忽忽不樂

佐縣有稱

吳孫堅為下邳丞佐縣有稱

解蒙問難

張玄初為縣丞嘗以職事對府不知官曹處吏白門下責扶風徐業亦大儒也聞玄諸生試引見之與語大驚曰今日遭真解蒙矣遂請上堂難問極日

講經行禮

唐王義方坐與張亮交通貶為儋州吉安丞行至海南舟人將酒以脯致祭義方曰黍稷非馨馨在明德酌水間祭時當盛夏風濤蒸每既而開霽南渡吉安蠻俗荒梗義方召諸首領集生徒親為講經行釋奠禮清歌吹籥而登降有序蠻酋大服

清靜無欲

後漢張玄字宗君遷陳倉縣丞清靜無欲專心經書

輅之才從趙典之任

陳子昂集高府君為易州遂城縣丞丞置

文書典知倉獄

漢百官志丞之位八品以下述六職以輔其治

也

柳子厚武功縣丞壁記處煩應卒銜刃不頓崔倕縣有七司

丞為副二如州上佐

通典

詩句 剩有老農歌贊府

楊誠齋聖明收外府皆是九天除姚合

書縣丞舊廳 計程航一葦試吏佐雙鳧

權德輿上虞丞因君二

職藍溪上遣我維舟紅葉時

方手題慈溪張丞壁花綬傍腰新

關東縣欲春

云云虞坂臨官舍條山映吏人看君有知己坦腹

向平津

岑參送虞校書赴虞鄉丞

古今事實

丞為長吏

縣丞長吏也百官表縣百戶以上為令皆有丞尉秩四百石至二百石是為長吏漢景帝紀

丞主刑獄

丞主刑獄因徒史記日記捕淮南太子淮南相壽春丞留太子不遣如淳曰丞至刑獄囚徒故責之通典

占氣遷丞

唐張鷟云九十里之飛鳳自

宋玉曰鳳凰上擊九千里

料其高哉士亦然矣相書占氣要曰日中有黃氣遷為丞也

頌議歸丞

獨孤君上逼宰君下雜群尉文墨教

專有窮然力行務仁

推誠愛物謳今者不歌其宰頌議者必歸於丞

子昂集彭州

九隴縣丞獨孤君遺愛碑序

俗謂閑官

清白但守

唐宋安恭為龍門丞年已五十八數年而登州佐每謂寮屬曰公輩但守清白何憂不遷俗云雙陸無休勢余以為仕宦亦無休勢各宜勉之

約縱繫囚

唐臨為萬泉丞縣有輕囚十數人會春暮雨時臨白令請出之令不許臨曰明公若有所疑請自當其罪令

令歸家耕種與之終今歸繫

臨由是知名唐書

白黔猾胥

王庭珪號瀘溪先生召茶陵丞民俗樸陋擇秀民置之學士皆被其化猾吏文雅者勢傾一邑交結諸監司為囊橐累政不能去公把其宿負白千群黔之舉邑稱快至今人猶德之集胡澹庵

論免和糴

紹興十八年旱詔復民租十之八而和糴尚在海鹽丞丁安義語其令曰歲饑常賦且不充不應有和糴使上官怒安義當以身任之檄屢至安義抗論反覆卒賴以免

引可質錢

汪大猷字仲嘉為同華丞處事益明其限必信文引可以質錢至有以潤其屋者樓玫瑰集

民稱惠愛

傅察字公輔知洛州永平丞在職清謹惠愛及人民到于今稱之傅忠肅公

人頌遺愛

錢公節丞臨安縣民轉徙豪右冒墾其田官不能直者悉奪還之流民復業又除二稅積弊亦蠲民瘼至于今邑人頌其遺愛

楊龜山錢忠定公墓誌

正心誠意

楊萬里丞零陵張忠獻公謫寓馬勉公以正心誠意之學佩服其言遂以誠名齋言行錄

古今文集

雜著

蓋屋縣丞廳壁記

沈亞

蓋屋道巴漢三蜀南極山不盡三十里北阻渭短長之補與南而近其野半為澤麓故鼠倚墻而居雖善捕伐不能無傷於稼說者以為漢孝武帝嘗夜出射能於是而田人輒留執帝從者由此觀之民情阻狠古為難理時猶逼畏指諫即稍罷然佞臣竟以帝恥不忘遂藉民人田為伍柞長楊矣今又徙甌越卒留戍邑中神策亦屯兵角居俱稱護甸而三蜀移民游手其間市

閭雜業者多於縣人十九趨農業者十五又有太子家田及竹
園皆募其傭藝之由是富民豪農頗輸名買橄緩急以自蔽匿
民冒名欺偷浮詐相糝雖賢宰處之而承與曲或不類亦不能
盡枉直之情也夫丞之職也贊宰之政以條諸曹其有不便於
民者丞能得不可今丞也余從祖居之既滿歲民諍不作如此
則宰之所宰丞之所贊可謂知方也已長慶初余思相如進諫
之風厯長楊至于射熊五柞訪其遺跡因退舍是邑遂悉論山
川俗里之事題於丞之署云

櫟陽縣丞小廳壁記

沈亞之

便署所以接賓也櫟陽岐諸陵走左輔蒲太原燕趙魏山東至
于匈奴雜虜之道而諸侯者及戎王聘貢之臣交馳出是無
虛日而邑頗瘠於擾費然而遊宦客子出入往來者則公賓為
寡也夕館而晝饌自宰丞簿尉或不能支於給饋而賓去嘗悒

悒不快長慶初燕趙魏侯者失理卒亂辱殺之更自立新帥大
臣皆進意請討圜其境之諸侯咸會兵襲戰飛蹄走轡之奏傳
呼相追而又降嫁匈奴中故使者益至若是謂私賓不能加也
而又遣使陳蔡許滑大梁彭城皆發卒戍河北督責米帛於兩
江之間使百郡所輓無西入由是天子之使出入潼關者日數
十輩大者乘馬至百小者不下十餘郵馬盡死於道凡往來乘
馬畜者無問其誰皆奪之故遊宦客子俱輟道櫟陽中計其衆
寡復與公賓之數相高矣是時櫟陽城當公主降匈奴女使及
迎者之部千人天子使後宮貴御行餞於道事嫁大臣從官衛
士亦數千人夕頓田氏遣丞奉供以能不擾民一縣之吏稱善
辨及歸乃計曰夫遊賓四時之來獨夏而為稀耳我且與理一
署使其密溫以待之然後以為家之給與賓僕相等是寧有忿
賓哉既以賓之來者視其館禮之窮罄雖勇寒猛餒必抱愧自

饜於所饜嗟呼隆否之跡由夫履也其構在公堂之右正寢西南隅其形類廂二間覆廈於南郵其就在長慶元年八月甲子也

藍田縣丞廳壁記

韓愈

丞之職所以二令於一邑無所不當問其下主簿尉主簿尉乃有分職丞位高而偏例以嫌不可否事文書行吏抱成案詣丞卷其前鉗以左手右手摘紙尾雁鶩行以進乎立晚丞曰當署丞涉筆占位署唯謹目吏問可不可吏曰得則退不敢略省漫不知何事官雖尊力勢反出主簿尉下効數慢必曰丞至以相訾訾丞之設豈端使然哉博陵崔斯立積學績文以蓄其有泓涵演迤日大以肆貞元初挾其能戰藝於京師再進再屈於人元和初以前大理評事言得失黜官再轉而為丞茲邑始至喟然曰官無卑顧材不足塞職既噤不得施用又喟然曰丞哉丞

哉余不負丞而丞喜負余則盡枿去牙角一躡故跡破崖岸而為文丞廳故有記壞漏污不可讀斯立易桷與瓦墁治壁悉書前任人名氏庭有老槐四行南墻鉅竹千挺儼立若相持水瀟瀟循除鳴斯立痛掃溉對樹二松日哦其間有問者對曰余方有公事子姑去考功郎中知制誥韓愈記

武功縣丞廳壁記

柳宗元

商頌曰邦畿千里周制曰千里之內曰甸服穀梁謂之寰內諸侯為王內臣其制甚重今京兆尹理京師部二十有三縣幅員之廣其猶古也縣吏之長曰令其二曰丞丞之位正八品下蓋丞述六職以輔其令也秦漢有丞相今尚書有左右丞御史有中丞至于九卿之列亦皆有丞下以達天子之縣政有小大其旨同也武功為甸內大縣按其圖古后稷封有殽之地秦作四十一縣殽美陽武功各異至是合焉蓋嘗為稷州已而復縣其

土疆沃美高厚有丘陵墳衍之大其植物豐暢茂遂有秬秠藿菽之宜其人善樹藝其俗有禮讓宜乎其大雅之遺列焉貞元十五年改邑于南里既成新城凡官署舊記壁壞文逸而未克繼之者後三年而潁川陳南仲居是官邑人宜之號為簡靖因其族子存持地圖以來謁余為記夫以武功疆理之大人徒之多而陳生以簡靖輔其理斯固難矣漢高帝嘗詔天下凡以戰得爵士大夫公乘已上令丞與抗禮故為吏益難今天子崇武功與漢初相類分禁旅以守縣道武功為多陳生為丞於是又職盜賊其為理無敗事吾庸何以廢哉為之記云

新昌縣丞廳壁記

樓 鑰

余表弟汪履道得中丞新昌尋前任人名氏自紹興末年得李尹結而下凡十餘人以壁記為請報之曰昌黎藍田有記尚可著筆乎書再來曰藍田之文誠美矣殆有激而言不然既曰於

一邑無不當問而崔斯立乃日哦二松之間丞果誰負也我先人季父及吾兄皆嘗為之率以勤幹二其令有聲於時是邑雖小繼家聲庀職以來勉於所事日不暇給追科獄凡邑之所不敢慢官乎求丞之職又自有常平顧役經制等緡錢動以千萬計境內河渡水利等事固已不勝應帥垣都使者萃于委以吏事文符傍午又時奉檄以走他郡會邑大夫更易攝承久之惟恐無尺寸自見以及吾民誠知古今事不類人才有高下顧雖欲一日掃溉之暇不可得未可以藍田之言為當然也余讀書莞然曰子之言有理勉旃其以此記之

於潛丞廳題名記

洪咨夔

吳門葉君丞吾潛諸臺交薦其材垂滿過余以題名更端屬之記且曰官無庫崇職無簡繁事無易難惟敬則行居是官而

因其非敬也居是官而出其思亦非敬也上不侵官以僭下
不怠曠心上於事靡他其適如農有畔行無越思其思為
芑不佞何足以及此惟是常平義倉之賦受丁口力
役之簡稽暨上官所以奔走使令之悉惟謹土膏脉奮凍解泉
動出入阡陌程督坊澗日與臺笠襍襖相爾汝過此不問也有
堂迷六面山而俯沼嘉卉美竹三五布列暇時玩游鱗之浴曳
聽幽吭之啁哳弄柔芳而坐密蔭以休其心負丞不負丞不敢
知也余愛其言知敬於職業因筆而畀之石且告來者

金壇縣丞廳壁記

劉漫塘

丞以貳其長自省府寺監皆然獨邑乎哉然丞邑者率以伍偏
為嫌以涉筆占位為常視其長之得失邑之治否皆若已無與
焉者豈非以唐韓文公為崔斯立作記有取於吟哦自適而然
歟余觀斯立之為人蓋寄懷事外而虛言以為欺者文公之記

抑有譏焉不然則為之解嘲云爾而來者不察顧謂為職之宜
然其然歟夫食焉而怠其事文公方述王承福之言以為官守
者戒而又述斯立之語以開之其然歟趙君全質之丞金壇異
於是余居田間雖罕與有位者接然得之輿誦其受輸也平故
民不殘其出納常平也謹故民有恃又其嚴於律己而義利之
間甚辨和以接物而上下之交無間言暇日以壁間刊前人名
氏歲久無餘將礮石以繼俾余記更端之由余以君之事足為
來者則故不辭而為之書君名彥相今官承直郎蓋魏王宮穎
川郡王七世孫真不負承者云

主簿

歷代沿革

漢晉有之自漢以來皆令長自調用隋始置之唐
主簿上轄赤縣置二人他縣一人武德初以流外

始以為品官吏部選授掌付事勾稽省署抄目糾
 違宋開寶三年詔諸縣千戶以上置令簿尉四百
 令尉令知主簿事四百戶以下置簿尉主簿兼知
 縣事 四年王欽若言川峽縣五千戶以上請並置簿自
 餘仍舊以縣尉兼領從之天禧五年劍州梓潼等各增置主
 簿皇祐五年詔南川縣置主簿嘉祐五年發州義烏永康武
 義浦江等四縣各置主簿一員熙寧四年陝西河東治邊城
 寨等處增置主簿此蓋從廷臣鄧綰申請之奏也 今大元各
 縣皆置主簿一人

羣書要語

主簿謂主諸簿司 通典佐理縣務 四朝志職司符
 印主掌簿書 白六帖 鳳棲之位鴻漸之資 棲棘
 之官 糾察準繩 管轄之司 朱勾勾稽 並同上 俾之糾
 邑 白集鄭枋河西主簿制 善勾邑版之曹能盡地力之教 胡

文恭行呂英制 勾稽之局 蘇澄制 往勾簿邑之稽 段休制 勾較
 符籍均壹政賦 公是行馬維震制

詩句 簿領三年久雲霄 一武趨 陳后山送闕醇老 輸與能詩王

主簿瑤臺影裏據胡牀 山谷往吟平地千倉玉還隱孤舟一釣
 竿 楊誠齋送簡簿之官臨桂 主簿吾宗秀其能任為邦 山谷惟

君有子又擢桂父子仇香仍一門 誠齋送羅簿之官巴陵 榭葉

曉迷路桐花春滿庭 溫庭筠送洛陽李簿 西昌主簿如禪僧日

餐秋菊嚼春水 楊誠齋題燈和趙簿思隱堂 輕舟下吳會主簿

意何如 杜脫身簿尉中始 楚辭 同上 官棲仇覽棘才拍翰

林肩 山谷今時習主簿 魯諸王 徐俯過張簿村居 欲托山

陽簿公歸不受私 陳后山送曾南豐之山陽 何郎冰雪照青春

應敵皆言筆有神 王荆 送何簿 金庭養真地朱篆勾稽官 羅

隱寄刻縣簿 聖朝若用西涼簿 白羽尤能効一揮 烏臺詩話本

朝謝文書主善用兵為西涼主簿東坡有詩舍第卑棲邑防川

領簿曹云云倚賴天涯釣猶能制巨鰲杜詩寄臨邑舍弟書至

若雨黃河隄防之患簿領所憂因寄此詩用寬其意今日

折腰塵土裏與君作想好懷丘王元之寄碭山主簿朱九齡詩

古今事實

仇覽鸞棲

後漢仇覽字季智一名香考城令王渙置為主簿謂覽曰主簿聞陳元之過不罪而化之得無少鷹鷂之志耶覽曰以為鷹鷂不若鸞鳳渙謝遣曰枳棘非鸞鳳所棲百里豈大賢之路今日大學曳長裾飛名譽皆主簿後耳以一月俸為資勉入大學其名大振

景仁彈箏

晉謝景仁為豫州主簿桓元閣下元聞其善彈箏呼之既至

取箏與彈因歌秋風意氣甚適以此大奇之

人曰短簿

王恂為桓溫主簿人曰短主簿能令公喜能令公怒

稱曰昂駒

韋元將為郡主簿楊處稱曰韋主簿有長城之風昂昂千里之駒三輔決錄

北京三傑

唐魏谷倚為太原主簿與傅嘉謀吳少微號北京三傑

金陵佳婿

唐楊於陵傳釋褐為句容主簿時制金陵於屬吏於陵

謁謝湜甚奇之謂其妻柳氏曰夫人擇佳婿吾閱人多矣無

如楊主簿者竟以女妻之後遷為戶部尚書

凌雲之志

張象登科為華陰簿而為守令所抑歎曰丈夫有凌雲蓋世之志而拘於下位若立身矮屋之下使人擡頭不得乃棄官而去
開元天寶遺事

髯鬚之職

外史檮杌王建僭蜀李景上封事以為眉山主簿制曰旌其忠蓋之心委以髯鬚之職注崔豹古今注羊名髯鬚主簿

俗謂閑官見承門

自歎後時

始韓琬為高郵主簿使京師自負其才有不遇之言題客舍他日蔣欽緒見之曰是子歎後時耶唐蔣欽緒傳

號鐵主簿

齊許淳性識敏速達於從政嘗為司徒主簿以能判時人號曰鐵主簿

詣習主簿

晉習鑿齒桓溫辟西曹主簿為親密語曰徒三十年看儒書不如詣習主簿

去為宰相

盧公邁去河南為右補闕其後由尚著至宰相鄭公餘慶去汜水為監察御史其後由工部侍郎至宰相趙公宗儒去陸渾為右拾遺其後由給事中至宰相韓愈河南府同官記

後至吏書

顧公少連去登封為監察御史其後由京兆尹至吏部尚書東都留守同上

高士不為

漢孫寶以明經為郡吏御史大夫張忠辭寶為屬欲令教子更為除舍設備孫寶自劾去忠固還之心內不平後署寶主簿寶

從入舍祭竈請比隣忠怪之陰使所親問寶前大夫為君設除
大舍子自劾去者欲為高節近舍兩府高士俗不為主簿子既
為之徒舍其說何也寶曰高士不為主簿而大夫以寶為可一
府莫言非士安得獨自高前日君男欲學文而移寶自近禮有
來學義無往教道不可詘身不可傷且不遭者可無不為况主
簿乎忠聞大慚薦寶明經為議郎遷諫議大夫本傳

後來之英

唐徐浩以文學為張說所器調授魯山主簿說薦為麗正殿校
理三遷右拾遺仍遺校理見喜雨五色鴿賦嗟曰後來之英也

文有父風

常熟主簿蕭存亮能文辭有父風

籍能口記

唐顏春卿調犀浦主簿常送徒于州亡其籍至廷口記物色凡

千人無所差長史陸象先異之

遇事逢銳

唐李畬為汜水主簿遇事逢銳甚有聲稱雖村童廝養一閱
無不知替代姓名者累轉國子司業

文移虎害

顧少連字夷仲為登封主簿邑有虎孽民患之少連命塞隘穿
獨移文獄神虎不為害

證令得免

後漢繆彤仕縣為主簿時縣令被章見考吏皆畏懼自誣而彤
獨證據掠考若毒至慘體生蟲蛆轉換五嶽踰涉四年令卒得
以自免

為父訴寃

穆贊字相明釋褐為濟南主簿時父寧為和州刺史以剛直不

屈於廉使遂被誣奏貶泉州司戶贊奔赴闕庭號泣上訴詔御史覆問寧方得雪詔曰令子申父之冤憲臣奉君之命楚劍不衝於牛斗秦臺自洗於塵埃由是知名

得(偉人)

薛奎字蜀或問入蜀所得曰得一偉人當以文學名於世謂鎮也舉進士為新安主簿王舉正薦召試擢館閣校勘事畧范鎮傳

號為三傑

朱光庭調萬年主簿邑人謂之明鏡時程伯淳主都縣簿張山甫主武功簿與公皆以才名稱關中號為三傑淵源錄

有公輔器

張昇字杲卿少力學有志操為營丘簿留守王曾以為有公輔之器事畧

有宰相器

葉正簡公顯調黃州南海主簿府帥待制曾開告其子連曰葉主簿宰相器也汝往見之因倡諸部使者薦于朝

遵度好學

崔遵度字堅白純介好學調和州簿事畧

伊川通易

明道先生為上元簿謝師直尹洛時曰某往在上元某說春秋猶時見取至言易則皆曰非是某謂君皆通易者也監司譚經主簿乃曰非監司不怒主簿敢非通能如是乎程伊川文集

使講春秋

劉恕字道原公在鉅鹿時為主簿陳鄘公帥高陽召至府召禮之使講春秋丞相親率官屬往聽大史集

集教縣庠

古靈先生陳襄字述古為浦城簿集好學者教于縣庠由是為父兄者更相糾戒不可以非禮干吾簿焉言行錄

折黏鳥竿

明道先生再調江寧府上元簿嘗曰一命之士苟存心於利物於人必有所濟始至邑見人持竿道傍以黏飛鳥取其竿折之及罷官艤舟郊外有數人共語自主簿折黏竿鄉民子弟不敢蓄禽鳥不嚴而令行大率如此伊川文集

名高士軒

朱文公同安縣簿公解有燕坐之室為更名曰士軒以凡簿所當為者大書揭之楣間年譜

佛首不光

程伊川任京兆鄜簿南仙僧舍有石佛歲傳其首放光男女聚看晝夜雜處為政者畏其神莫敢禁先生詰其僧曰吾聞石佛

歲現光俟復現當取其首就觀之自是不敢復言有光矣

姦首喪氣

陳襄主建州之浦城簿會邑闕令公獨當縣事每聽訟必使數人環列於前私謁曰無所發由是邑人知公之不可干老姦宿贓縮首喪氣民畏且愛圖公之像以事之

邑賴以治

任伯雨主施州清江簿事戾於民不避形迹極言于令邑賴以治焉

民知不擾

伊川先生主上元簿田稅不均蓋近府美田為貴家富室以厚價薄其稅而買之先生為令畫法民不知擾而邑大均

不忍其去

朱文公調同安簿官滿當路尊敬不敢以屬吏待之同安之民

不忍其去五年後罷中興係年錄

見而下拜

張商英初調通川簿渝州蠻反詔運使張詵討之惟王衮未降公言於詵曰蠻亦人耳以禍福諭之宜聽詵檄公行王衮見而下拜蠻遂平趙清獻公拊薦之召赴闕初對袖草茅憂國書以進擢光祿寺丞

服藏錢訴

程明道任鄆縣簿令以其年少

有借其兄宅以居者發

地中藏錢兄之子訴曰父所藏也令曰此無證佐何以決之明道問曰爾父藏錢幾何時曰四十年矣彼借宅居幾何年曰二十年矣即遣吏取錢十千視之謂借宅者曰今官所鑄錢不五六年即遍天下此錢皆爾未藏前數十年所鑄何也其訴遂服令奇之言行錄

蠲水災租

周憲之主益都簿外邑訴水災州檄公檢視通守

於稅且

少公輒大言曰若多放一粒租即當奉劾既而躬行田疇所傷果多公悉準法蠲除之楊龜山集

詣堂白事

吳擇仁字智夫為開封雍丘主簿元祐中金水河堤壞十六縣皆選屬他役獨擇仁詣朝堂白事宰相范純仁獨異之曰簿領中詣堂白事耶

赴官控驢

韓叅政億李叅政若谷未第時皆貧李先登第授許州長社縣主簿赴官自控妻驢韓為負一箱將至長社箱中止有錢六百以其半遺韓別去邵氏聞見錄

為簿年四十

仇香字季和學通三經無知名之授年四十為縣主簿

作書數百篇

蕭存表常熟主簿顏真卿在湖州與存及陸鴻漸等討撫古今韻字所原作書數百篇蘇林廣舊傳

伊川稱其才

邢恕字和叔從伊川學調永安簿伊川稱其才於呂公著薦崇文院校書東都事畧

石介見其文

劉顏字子望經行純備為任城簿李迪辟為從事所著有儒術通要經濟樞言石介見其文嘆曰恨不得在子弟之列同前

古今文集

雜著

會昌主簿廳壁記

喬潭

會昌行在也新邑作焉主簿糾曹也我公吏馬公名摯字某絲祕書正字而拜初蒙泉祕湧於山下陰火潛燃於地中是開湯以御宿獲靈符之三載有詔留之冠新豐渭南而為畿縣以明年復詔廣之齒萬年長安而為京邑非良吏無以抒劇非美誠無以釣賢邑改其名官遷其秩宜矣北陸寒苦東郊豫遊萬乘入郭百司在宇溫泉之宮齊乎下集靈之臺禱乎上物或過求難於抱影事或倚辨急於奔星雖務分官聯而我實網紀編王侯於尺籍總豪猾於伍符皆此之自闕以簡追胥以簿書詰盜皆此之自決縣大夫無能專達理司寇不獲僅成咸在公之鈴鍵矣不言而政每游刃不遠而人常應弦申之以盈其都加之以藻麗尤絕非鄭桓公之邁得不有孝孫非少宗伯之凡文不有令德邑必復康侯進吾往也夫仰東井倉期大帝山木久繁其之温流乎冰雲畫積濯龍之靈液乎矧乃

才之甚器之甚游 波膏沐聖休將濯軒施紅顧盼千里豈
俟辭滿而階漸我君子謂是言也潭忝以詞賦見知春官欽惟
教忠即簿領之能事敢序施政有門人之直詞乙酉歲抄志于
南軒之東壁誰謂來者不承乎權輿

論主簿差出之弊

樓 鑰

臣竊惟縣置主簿專以勾簿書之稽為職凡一縣稅賦之輸納
實總之銷簿對鈔尤為緊切而監司郡守循習故常以主簿在
縣官中最高為事簡差出不時甚至公檄無虛月朝歸而暮出雖
有勤幹之吏困於往來欲竭力効職而不可得簿書期會比之
教化則為細事在州縣之間則急務也小民輸官租得鈔而得
官司勾銷名簿則可以優游卒歲豪強頑猾據簿之未銷者督
之則無所逃罪其間利害皆係於簿書簿書不明則吏得以肆
意為奸貧民下戶至有已納而更輸豪猾之家苞苴把持或至

於幸免然則主簿之職若閑而實要如此任職而不勤責固有
所歸矣奔走道塗而一旦以不職被譴彼有辭焉臣愚欲望睿
旨路監司守臣遇有差出輪點縣主簿量定立制每歲出者不
得過兩次又計日月之多寡較道里之遠近而比折之當差出
者不得以請求 而免已滿兩次者不得復差庶使
小官得少安職守簿書不至復弊而民被實惠矣

箴送兄主簿

劉漫塘

凡民之生有田有賦期欲不違數不可誤稽其當輸已輸而勾
則令不煩民乎何尤一或不然則權在利緩急逆施民乃慢易
其頑者慢而善者擾豈惟病民經賦滋少故古設官惟簿曰主
毋怠毋荒上帝臨汝

古詩

送孫子祥赴新昌主簿

樓 鑰

高士不為簿子嚴論獨殊不遭何不可而況主簿乎夫君豈其
裔南明筮仕初要知官無卑祿可代耕鋤正須勾小稽使民能
樂輸矧復兼尉曹鼠竊隨除驅兩職去民近亨途此權輿君誠
吾里秀賢厚素有餘理蛇有陰德映雪讀古書起家決儒科試
評足名譽妻以兄之子相與久相娛小別不足惜未免捺子裾
邑境連臺剡好山環四隅二子丞鄰封川陸通舟車乘輿或一
往徑欲造庭除公餘想績久尤當惜居諸會看與公賦擲地金
聲如

劉送仲起主簿

樓鑰

劉郎鸞棲海濱邑不減向來人姓習凜然軀幹即之溫語恐傷
人中有立論交雖厚笑甘醴御史以嚴無束濕公餘黃卷頻卷
舒藝圃工夫日加葺永嘉素多君子僚休沐新盟有清集伯倫
忽去誰鯨吸欲挽不留情悒悒君年方盛才有餘逸驥寧容在

羈馬期君速蹈功名機塞草連雲朔風急

和李主簿

廖明畧

李侯持尺璧十五城不換勅飛偶棲棘孤鳴異巢鶴淮海一浚
又博洽識理亂國論匪與聞偷將經術斷君家文多豪陵嶠賀
白觀

送謝主簿

黃山谷

竟陵主簿極多聞萬不理專討論澗松無心古鬚鬣天球不
琢中粹溫落筆塵沙萬馬奔劇談風霆九河翻胸中恢疎無怨
思當官持廉且不煩吏民欺公亦可忍慎勿驚魚使水渾漢濱
耆舊今誰存駟馬高蓋徒紛紛安知四海習鑿齒柱笏看度南

山雲

律詩

送姚主簿歸龍溪

翁卷

三考今批足應無愧此心只將零月俸買得一張琴歸處路猶遠到時冬已深邑丞詩極好閑暇可相尋

送趙振文主簿

樓 鑰

去去江西不作難片帆雙槳蕩秋瀾已知官業非時樣猶喜情親耐歲寒志大自然羞附驥官卑何用歎棲鸞少卿邾下加文度更比年時刮眼看

送張主簿

顧非熊

松窻從是冷霞客山縣新為玉印官混俗故來分利祿不須長作異人看

東張簿二首

劉漫塘

簿書閱過幾牛腰一縷清香午未消施室醉吟誰是伴鐵城折簡可頻招

又

細肋朝來正割鮮瓦瓶先臘湛寒泉香棲枳棘寧多日斷送橫飛上九天

送張端表主舍山簿

劉漫塘

計利無非利辭難枉作難驅車平路去高枕此心安縣小勾稽易時危賦歛彈好裨千慮失可使百憂寬

送劉主簿秩滿東歸

劉漫塘

一官簿領十年間此去青雲手可攀勝日西湖浮畫舫頻將卮酒酌孤山

寄熊主簿

劉漫塘

一出懸知計已非更堪留滯未成歸即今白首負松菊何處青山無蕨薇不恨老從中歲至但悲事與素心違當齋寂寞生秋草幾度臨風憶杜微

送趙阜主簿

劉克莊

罷稅無廉局蕭然古解寒士稱為善類民說是清官力薄難推
較身輕易起單竹林逢大阮試為問平安

送歐陽主簿赴韋城

蘇子瞻

鳳雛驥子見相交白髮蒼顏笑我曹讀遍牙籤三萬軸却來小
邑試牛刀

送羅正夫之官餘干

楊萬里

番君小屈習鑿齒且與刺頭簿書底郎看給札試臺蘭飛上木
天枝文字

贈咸陽王主簿

鄭谷

可愛咸陽王主簿窮經盡到昔賢心登科未足酬多學執卷猶
聞惜寸陰

縣尉

歷代沿革

漢大縣兩尉小縣一人長安有四尉分為左右部

城東南置廣部尉是為左部城西北置明部尉是
為右部並四百右廣綬大冠主追捕盜賊伺察奸邪魏因之

晉洛陽皆置左尉宋齊梁陳並因之餘縣如道漢制諸縣道

尉銅印黃綬朝服武冠北齊郡縣置三尉隋改為正後置尉

又分為戶曹法曹唐初因隋制武德元年萬年縣法曹孫伏

如論事是也武德中復改為正七年復為尉赤縣置六員他

縣各有差分判諸司事高宗時為品官吏部選授五代久廢

而盜賊鬪競則屬鎮將宋建隆三年始每縣置尉一員在

主簿之下俸賜與主簿同其鎮將勾鎮下烟火爭競

公事至和二年開封祥符兩縣增置一員元豐五年詔重立

法地縣尉並差使臣元祐元年蘇轍言舊法縣尉皆用選人

近歲並用武臣自改法以來未聞盜賊為之衰息請復舊法

文外十五
七
詔條沿邊縣尉依舊外餘並差選人崇寧元年詔重法地縣尉舊差武臣處並依元豐法大元置尉一員在主管簿之下不署縣事專掌捕盜賊及烟火爭競公事

羣書要語

一命仙吏白六帖鴻漸之資神仙之吏同上黃綬

位輕青雲望重陳子昂集送齊少府序吏部銓注拾遺評事赤尉才望清高標格秀者著為之俗號三緊官赤尉

坐緊以劇縣決遣權豪畏威也入仕之路歷是三官者時輩共以為榮也兩京雜記尉掌巡捕盜賊及檢覆之事四朝志曩居

尉督胡文恭制守在尉察善於追胥同上行王德悅制尉主盜

賊凡盜賊發主名不立則推索行尋按察奸宄以起端緒後漢百官志

詩句李侯雖簿臣時譽何籍籍高適贈李少甫庭戶蕭條燕雀

喧日高牕下枕書眠杜荀鶴贈崔少府夫子有盛才主司得球

琳李白送少府赴選迹留黃綬人皆歎心在青雲世莫知高適

公堂瀟洒有林泉祇隔苔墻是渚田鄭谷世人皆醢雞安可識

梅生李白留別劉少府青袍美少年黃綬一神仙岑參隱吏逢

梅福遊人憶謝公杜草羨青袍色花隨黃綬新岑參夫子送君

為一尉東南二千五百里白居易送王尉

古今事實

傳為仙尉

前漢梅福字子真為南昌尉一朝棄妻子去九江至今傳以為

仙漢書本傳

號曰香尉

漢雍仲進南海香拜洛陽尉號曰香尉述異

此聰明尉

魏奉古授雍丘尉嘗九日公燕有客草序五百言奉古言此舊

文援筆到疏之草序者默然自失到座撫掌奉古徐笑曰適覽記之非舊習也由是知名時挺涖汴州召奉古前曰此聰明尉耶他日持旣目令示奉古一覽便諷千餘言挺驚起曰仕宦且四十未嘗見此

以幹治聞

唐顏師古隋仁壽中授安養尉楊素曰安養劇縣子何以治之師古曰割雞未用牛刀素驚其言大後果以幹治聞

不附郡守

趙忠簡歸寓常山縣郡守章傑知中外士大夫平時多書疏往來可為奇貨以媚時宰密諭邑尉翁蒙之以搜私釀為名馳往掩取蒙之諾守猶疑漏言潛戒左司伺察之蒙之畧入解書片紙自後出迎趙氏子告之故趣焚篋中書及屏弃弓刀之屬比蒙之挾吏卒至無所得守大怒劾于朝時宰疑其已甚徒蒙

之尉蘭溪使避守上初即位大臣誦言其事詔特改京官除寺監簿

薦辭主簿

查道為館陶尉廉介與妻採野蔬為粥以療飢道不勝貧欲去官會都運使樊知古素知道節行欲薦之辭以與縣主簿葉齊知古曰齊素不識也道曰公不薦齊道亦不敢當公薦也知古不得已兩薦之長編

不為秦客

汪涓字養源尉宣城秩垂滿闕令職狀一紙知州秦梓意其必求即薦之涓終不屈或問何不從內翰求文字陞陟曰若為所薦則終身為秦客矣涓不辭再為判司一任紹興正論

稱為鐵面

楊王休字子美調臺州黃岩尉邑有豪民武斷一方具得其奸

狀白於郡黥隸他州閭里歡傳稱公為鐵面少府

樓攻媿集

手殺強盜

劉平字士衡景德中釋褐常州無錫尉手殺強盜改大理評事知鄆縣

追斬賊首

蘇緘移開封府陽武尉劇賊黑李二等倚居民為囊橐吏莫能捕緘蹤跡得其在乃集眾大索縱焚傍鄰十數家賊首果自火中逸出緘追斬送府府尹賈昌朝大駭曰儒者乃爾輕生邪魔賊杖遣

汪大猷字仲嘉初尉江山州符捕來暮鄉魔賊公曰賊有無豈不知第呼菜食一二人杖遣之

樓攻媿集

擒賊優賞

蘇文忠公知潁川潁有宿賊尹遇群黨驚劫朝廷以名捕不獲

公召汝陰尉李直方謂之曰君能擒此當力言於朝乞行優賞直方緝知所在躬往捕手戟刺獲之

亦親民官

至和中山陽尉李宗噴百姓申蝗抑令食之提刑孫錫奏劾上怒曰縣尉亦親民之官謂其能尉安於民而不與民除害反傷民命削其官

有憂下心

寶元初明州慈溪尉裴明允個儻不群雖處賤官有憂天下之心屢上書言事後又詣闕上書云漢成帝時梅福為南昌尉屢從縣道上書言災異事求假軺傳詣行在所

召試館閣

胡宿字武平為真州揚子縣尉大水漂溺居民令不能救宿率公私舟活數千人以張士遜薦召試為館閣校理

神宗實錄

召為理丞

雷有終為萊蕪尉發知監劉琪奸贓而代其任太宗聞其名召為大理寺丞事畧

著報政錄

王博文徙南豐尉有能聲里人饒光輔為之著盱江報政錄刊之于石仁宗實錄

記部人名

汪大猷字仲嘉調衢州江山縣尉所部百人默識姓名及幹力之優劣下得其用分鄉警捕境內肅然後龍大淵在閣門聞公諭德之際函稱以為當人坐中問曰亦與之熟耶龍曰在此未嘗往來某少為三衢兵官只見人說江山汪縣尉之賢如出一口聞者亦服樓攻媿集

大小杖

嚴安之崔譚俱為赤縣尉安之令伍百執大杖譚益大其杖如椽安之復令執小杖譚益小其杖至如筋安之令伍伯空手行乃不能學見聞錄

五色棒

曹瞞除洛陽北部尉初入尉解繕治四門造五色棒縣左右各十餘枚有犯禁者不避豪強皆棒殺之京師斂迹莫敢犯者魏志

有鷓鴣灘

河南伊閭縣前水中每縣官有入臺者先有灘出石爍金沙清徹可愛牛僧孺為尉一日報灘出縣僚共觀之老吏曰此必分司御史若是西臺當有一雙鷓鴣僧孺祝曰既能有灘何惜鷓鴣言訖一雙飛下不旬日僧孺果拜察院唐康駢劇談錄

開射鴨堂

孟郊為溧尉開射鴨堂 坡詩註

奏讀七志

常述為洛陽尉馬懷素奏與諸 即秘書讀七志

雅善五言

杜審言初為隰城尉雅善五言詩工書翰有能名嘗謂人曰吾之文章合得屈宋作衙官吾之書跡合得羲之北面其於誕如此

上寶劍篇

郭震字子振初為通泉尉任俠使氣武后欲詰與語奇之索所為文章上寶劍篇后覽嘉歎即授鎧曹參軍

賦金瀨詩

唐婁師德補江都尉揚州長史盧承業奇其才嘗謂之曰吾子有臺輔器當以子孫相諉豈可以官屬常禮待之

即名公座

蘇坳授鄆縣尉雍州長史李義琰謂曰鄆縣本多詞訴近日遂絕由公為其疎理因指顧廳事曰此座即名公座也但恨非遲暮所見耳

入為翰林

白居易調整屋尉為集賢校理月中召入為翰林學士

遷為御史

李程為藍田尉有滯獄十年程單言輒判京兆狀最遷監察御史

著議見稱

唐高郢字公楚舉進士擢第授華陰尉魯不合用天子禮樂乃引公羊傳著魯議見稱於時由是授咸陽尉

名稱大振

藍田尉柳宗元名聲大振

清水明鏡

河北尉馮謙復自謂清水見底明鏡照心

春蘭秋菊

裴子餘補鄆縣尉時同列李朝隱程行誡皆以文法著稱子餘獨以文學知名或問長史陳崇業三子優劣崇業曰春蘭秋菊俱不可廢也後為監察御史

名著三傑

富嘉謨轉晉陽尉與新安吳少微友善同官魏谷倚為太原王晉皆以文辭著名時人謂之北京三傑

惠歸一尉

員半千授武陟尉歲旱饑勸縣令開倉以賑貧餒不從會令赴州半千便發倉廩以給饑人刺史郭齊宋大驚因而按之時薛

元超為存撫使謂齊宋曰公百姓不能救使惠歸一尉豈不愧也令亦愧服

人臣極位

武功馬祿師善相長安主簿蕭璿與尉李嶠李全昌同詣求決馬云大李少甫人臣極位小李少府位終卿監蕭主簿中年湮沉晚達亦當貴皆如其言

郡吏望風

李白為虞城令李錫碣云初拜北海壽光尉心不挂細務口不言人非郡吏罔測望風敬憚焉

擒姦摘伏

李勉為開封尉昇平日久見汴州水陸所湊邑居龐雜號為難理勉與聯尉盧成軌並有擒姦摘伏之名

清心苦節

裴景昇為尉氏尉考滿刺史皇甫亮曰裴尉豈可使無上考為之詞曰千里無伐步之馬三月乏聚糧之資清心苦節從此可知不旌此人無以激勸

說請以五術

陸贄補渭南尉德宗立遣黜陟使庾何等十一人行天下贄說使者請以五術省風俗八計聽吏治三科登俊又四賦經財實六德係罷察五要簡官事

自陳通五經

馮元少好學崔頤正孫奭授以五經大義為江陰尉皆詔明經補學官自陳通五經遂以為國子直講

彈琴蒔藥

趙元亮字貞固少負志略好論辨武后稱制懼不容其高調宜祿尉到職非公事不言彈琴蒔藥如隱者之操自傷位不能配

才卒 **又** 趙元亮為宜祿郡默然無言採藥彈琴詠堯舜而已州將郡守穆然承風君之道標浩如也

去位客遊

高適補汴州封丘尉非其好也乃去位客遊河右歌舒翰表乃兵曹

請為代役

裴佶授藍田尉德宗詔發畿縣民城奉天嚴郢為京兆政刻急本曹尉韋重規妻乳且疾不敢免佶請為代役要如程當時稱其義

廉無厚蓄

盧坦為河南尉時杜黃裳為尹 堂下曰某家子與惡人游破產盡察之坦曰凡居官廉雖大臣無厚蓄其能積財者必剝下以致之如子孫善守是天富不道之家不如忍其不道以歸

子人黃裳驚其言自是遇加厚

古今文集

雜著

鄭縣尉廳壁記

梁肅

自華而東距洛師抗雄多臨大道其縣有七若攘接天府號因舊國分鄭為之百又斜購其六焉天官每銓士補吏常屬意於此三科之選其人尤精比畿服之偏者難易相隔不啻數等其地望可知也元年春正月之後賢侯才子曰蘭陵蕭種以貞敏恪慎再命為尉掌倉曹出納與工德修飾之事事舉職修而令名隨之暇日謂予曰之邑之作非舊也初在於州東北隅廣德中以賊臣周智先以河潼叛放暴兵斲官寺且脇誘將吏生立乙祠而棟宗斯崇及王師致誅收民者從便宜而重改作乃刷滅凶慝之遺塵徙二治焉是廳蓋祠之餘也嘻曩者憑而為

妖今乃即而為政合於大順用鑒將來是宜書之以告昧者子於是著之屋壁且以紀夫人之美若風俗疆土與置邑之年代分之尉今監察御史黎逢嘗編為鄭志藏在州府中可覆視也故不書時御史中丞董公為邦之三載秋九月安定梁肅記

河南縣尉廳壁記

張景

縣尉能禦盜而不能使民不為盜盜賊息非尉之能盜賊繁過不在乎尉矣上失其平下苦其情弱者困死强者偷生盜之常也豈樂盜哉無竭民力民心安逸無盡民物民利豐實居鄉聚族有良有睦履詐跡偽有責有愧民之常也孰肯為盜哉故曰能與過不在乎尉在時政之得失爾若夫平鬪訟懾兇狡惟盜是禦者尉之職也苟失其人則貪殘誣枉民不勝弊反甚於盜焉今郡縣至廣庸不知所得者幾何人哉大原王世度字昭範登進士第為河南尉尉之職無所不舉然雖焉誠不足展世範

登進士第為河南尉尉之職無所不舉然雖馬誠不足展世範之才顧其所得亦斯民幸矣世範與景有舊因求記刻于廳壁庶有信於後於是乎書

徙贛縣東尉治記

洪邁

贛尉分東西久皆治郡下仍其方以居東部解殘於兵寄而即西偏蕭寺歷年所不能自還與西俱西地爽其實尉官椽參軍底氣力羞早錄錄塵埃間視景蚤莫勢不暇小有建立指日得踐更逝如脫兔郡縣之長吏固莫或知之亦莫或問如是殆三十年予之來守也事建東江飛梁邑長趙顏何始為予言尉以東名官而強顏為西贅位無小於闕觀不宜幸得徙歸之正名居方界橋為安一役而兩利集計成便於是尉官缺南康田椽捧檄來攝承忘其身之羈畢力關策經行空曠地度可容百室者即日得南距橋僅百步愿民致喜或持圃券以獻古道傍

出尚約略可尋政走雷岡徑也蓁葳積五紀雲然霧開大藏而神闕之定有數基具矣安所得居郡有邸一區其左物或馮焉儼不售撤以為之堂又取野廬三楹以立廳事費無巨額皆我之自出蓋不伐一木而迄成吏土環居整芘如翼過者輟步驩歎老道士年八九十日見歲就亦洒然以驚予曰人不難銳始及必翫假板贏祿逆旅尸厥官且趙令君秩過期新令鼎來民聽懷向背真尉又扣鏡田不可留然皆曰即得斯役成吾願接浙去此予既其實味其言賞之以酒而為書其事且告之曰國家方急材二子往矣乾道八年十有二月九日記

溧陽尉治題名記

劉漫塘

官寺之壁有記紀其職也其左必列官之名氏紀其人也人稱其職則可否則羞之一舉目自得師焉記所由作也尉秦官也至于今不廢其職禁暴戢奸邑所籍以立也溧陽尉治龕石以

紀前人名氏冠之文者故紫微舍人于湖張公也公文妙天下
今尉陳君又以請更端也金陵屬邑五溧陽尉所統巡徼
視他邑獨倍蓰巖谷縈紆湖波浩渺乎野際天其地曠也
而遠於府民多負氣而喜鬪並水逋逃出沒易以為奸比
皆束手屏跡其政明其令嚴公且清也君余友名景周字
故相秀國陳公其高伯祖也記成之歲紹定戊子秋九月也

金壇縣尉題名記

劉漫塘

令尉秦官于至今不廢令所以字民尉所以安民職有
輕等也自漢梅子真由南昌尉棄官好事者疑其仙其
仙名尉尉亦聞風緬想以不事事為高余竊陋之按漢
為尉後乃弃官初非不屑其職繼又三上書譏切時政亦
然忘世者末年引蓋有為為之顧指為仙已不足以知子真豈
真知為尉者哉金壇尉趙君侑夫代石以紀前人名氏俾予為

序後尉胡君自誠病其隘也命工重刊仍以序請趙當開禧中
天子銳武飾郡縣修武備能敏以集事胡當嘉定五六年間歲
比有秋民安無事能共以守職其時與事不同而余之序無異
辭則來者可觀矣趙譜在玉牒胡乙丑進士其官與到罷之歲
月序列如左嘉元甲戌元日記

論縣尉捕盜賞格

周必大

臣竊見國朝會要天聖七年五月大理寺申請凡縣尉躬親鬪
敵捉殺賊全火十人以上合入令錄人並授京官仍賜緋章服
至天聖八年又詔未合入令錄人止令循資乃知選人初官難
用賊賞改秩今見行條法非軍功捕盜只得循資蓋本天聖之
遺意其後奸弊日生凡縣尉因弓手捉到強盜七人其奏狀必
云馬前三步親自捉獲以此為軍功捕盜例得改次等官人皆
如是傳會而習熟不以為怪臣頃於乾道六年七月嘗陳其弊

未蒙施行自後略計改官人數乾道七年八年各五人九年八人則是三年之間僅有十八人逮淳熙元年一歲已有十八人一年十六人二年亦十三人而取會未圓者尚不在數蓋緣舉主磨勘其制既嚴故捕盜改官其數浸廣向使縣尉果有才勇手格強盜雖更加擢用初未為其如假借弓級牽合人數外則州郡提刑司胥吏坐受計囑緝文款內則棘寺省部審覆之際多以賄成使朝廷坐受欺罔輕畀爵秩甚無謂也臣愚欲望聖慈詔勅令參攷新舊賞格分別輕重稍為限制仍申飭外路遇縣尉陳乞賊賞更切體問是與不是躬親鬪敵然後保奏庶幾革去偽冒有功者勸取進止

論縣尉獲賊賞

周必大

臣竊見在法選人曾歷一任方法注縣丞有舉主關陞改官方得為邑重民事也今初官為尉偶獲強盜七人不待滿考便可改

秩其間未經任者雖注監當亦理親民資序又有徑為邑者則是擇令輕於擇臣丞竊以為過矣異時山東河北之盜類皆桀黠驍果其徒不繁而能橫行於州縣賞格之重或以示勸今江湖閩廣山長谷荒無知之民春夏歸農秋冬散剽所在有之籍令為籍者勇能執俘藝可奪稍猶於邑政未遽習也况弓兵格鬪而獲司獄傳會而奏其弊尚多若不稍加釐正臣懼子產有傷割學製之譏也願詔有司令為具應縣尉獲賊當改官者吏部先給公據候歷任及六考以上方計收使彼既無營求舉狀之勞而考第稍多免初等細轉之遷名緩其期厚其賞所貴稍更民事不至政學取進止

古詩

薦孟郊

韓愈

酸寒溧陽尉五十幾何耄孜孜營甘旨辛苦久所冒俗流知者

誰指注競嘲傲聖皇索遺逸髦士日登造廟堂有賢相愛
覆燾况承薛與張二公送嗟悼青雲送吹噓強箭穿魯鎬胡為
久無成使以歸期告

贈瑕丘王少府

李白

皎皎鸞鳳姿飄飄神仙氣梅生亦何為來作南昌尉秋風佐鳴
琴寂寞道為貴

律詩

送孫十尉溫縣

錢起

飛花落絮滿河橋千里傷心送客遙不惜芸香染黃綬惟憐鴻
羽下青霄雲衢有志終驤首吏道無媒且折腰急管繁絃催一
醉頽陽不駐引征鑣

送嚴維尉河南

錢起

蕙葉青青花亂開少年趨府下蓬萊甘泉未厭楊雄賦吏道何

勞賈誼才征陌獨愁飛蓋遠離筵只惜暝鐘催欲知別後相思
處願植瓊枝向柏臺

送李郎尉武康

岑參

潘郎腰綬新書上縣花春山色低官舍湖光映吏人不須嫌邑
小莫即恥家貧更作東征賦知君有老親

送張元直尉藍官二首

楊廷秀

壁水寒齋客春闈擢桂郎折腰端小耐整翮未須忙德進官無
小詩癯譽更香會看兩鷗鷺飛下荻灘傍

漂水孟東野南昌梅子真平生一少府千載兩高人白馬松稍
寺朱旗雪外春村行如得句寄我大江濱

送劉孔章縣尉得官西歸

楊廷秀

早宴黃花詣粉闈晚援春草染朝衣却提猛士弓彎月去掃封
狐雪打圍綠鬢朱顏君勝我青春白日我思歸何時共淪青原

茗下看江鷗來去飛

送張端衡尉句容二首

劉漫塘

梅仙西上古仙鄉
梅蘂先春特地香
自是邾人聞魯柝
懸知晉盜避秦疆
名山久盍清蕪穢
窮巷猶聞缺蓋藏
惠政由來要全美
須君努力佐琴堂

去鄉喜見似鄉人
君去家山祇比鄰
令長垂髫同里社
交承握手記城闈
絃歌堂上寧忘舊
樽俎筵中必告新
若也從容問無恙
為言魚鳥已情親

送建安鄭尉

劉克莊

路人能說尉一似
建溪清寸錦不携去
束書相伴行無心
干舉將有面見賢
兄應笑東陽令淹留
白髮生

贈蕭少府

孟浩然

鴻漸昇儀羽
刀列下班處
腴能不溷居劇
體常閑分訴人無

諛除邪吏息姦欲
知清與潔明月在澄灣

寄孫從事登第初授華亭尉

方干

聖代科名酬志氣
山川秀色助神機
梅真八士提雄筆
阮瑀從軍着綵衣

寄藍田韋少府

鄭谷

王畿第一縣
縣尉是辭人
館殿非初意
圖書是舊貧
研冰泉竇響
賽雪廟松春
自此升通藉
清華日近身

送許崇之官涇縣

同前

白頭新作尉
縣在故山中
高第能卑官
前賢向北風
佐理人安後
篇章莫廢功

送楊瑗尉南海

岑參

不擇南州尉
高堂有老親
縣樓重蜃氣
邑里雜鮫人
海暗三山雨
江明五嶺春
此方多寶玉
慎莫厭清貧

送趙少府

李白

仙尉趙家玉英風凌四豪維舟至長蘆目送煙雲高搖扇對酒樓持袂滿蟹螯

寄武陵李少府

韓翃

小縣春生日公孫吏隱時楚歌停晚醉蠻語入新詩

岑參

送鄭少府赴洛陽

題永樂韋少府廳壁記

同前

子真河朔尉邑里帶清漳春草迎袍色晴花拂綬香

白鳥下公府青山當縣門故人是邑尉過客駐征軒

蘇子瞻

兩尉鬱相望東西百步陽拘旗蒲柳市伐鼓水雲鄉已作觀魚檻仍開射鴨堂

示李時叔

王介甫

知子鳴絃意在山一官聊復戲人間能為向下東南尉藜杖緇巾得往還

巡檢

歷代沿革

宋有沿邊溪洞都巡檢或蕃漢都巡檢或數州數縣管界或一州一縣巡檢掌訓練甲兵巡邏州邑

擒捕盜賊事又有刀魚船戰棹巡檢江河淮海置捉盜巡檢又巡馬遞鋪巡河巡捉私茶鹽等各視其各分以修舉職業皆巡邏譏察之事大元有大都四廂關巡檢

羣書要語

同預警巡 宋廣平集賜同巡檢勅 選當一道之衝俾邏四封之警 胡文恭行鄭從政制材著幹勤職

古今事實

司警邏能發摘於陰伏多剪除於寇讎 胡文恭行林友制

蜀中俊傑

曹光實為黎雅都巡檢安集勞來民夷懷之召還太祖喜曰此蜀中之俊傑也

東都事畧

水泉神射

何灌字仲源由武舉為府州黃河東岸巡檢賈胡墪有水泉子嘗越境南汲灌慮異日為邊患盡折絕之虜忿聚兵千山馳軍灌迎高射之發輒中或崖石皆沒鏃後虜官肅大師灌於雄州言水泉子之戰嘆何巡檢神射灌曰灌是也

東都事畧

擊數千騎

為寧夏綏縣都巡 巡按幕子砦并黑水河趣谷中 人還戰保興伏兵于河 俟其 渡急擊之其後

東都事畧

破二萬騎

達為延州巡檢成懷寧砦羌人以二萬騎薄城達以所部五

之東都事畧

盜聞皆遁

桑擇為承巡安檢羣盜聞桑殿直來皆遁去

城降請賞

太祖時郭進為西山巡檢有告其陰通河道劉繼元將有異志太祖怒以其誣害忠臣命傳其人 進進得而不殺謂曰爾能為我取繼元一城一寨不止贖爾死罪當請賞爾一官歲餘其人誘其一城來降進誘降請賞太祖曰賞不可濫得也進曰使臣夫信則不能用人矣太祖於是賞以一官

知材可用

姚麟字君瑞王韶取熙河知麟材可用為熙河管界巡檢復河

州為諸軍先以功遷內殿承制

務在武勇

景德三年封事者言諸處巡檢務在武勇彊明乞不以閩楚江浙川陝人為之上謂樞密王欽若曰人之勇怯豈拘南北若此區別非任人之道

職畧

古今文集

雜著

書汧淮巡檢廳壁記

傅堯俞

巡檢職捕盜職舉則盜去如失皆盜也何則上既不戢下從而縱恃賴勢力侵魚良民非盜而何噫鼠竊狗偷者逐可去捕可擒係縲囚戮其勢易制至於士兵一得縱反則欺擾公行使民口膠舌結禁不敢出聲是誠盜之巨者新息腋淮而山地雖褊隘實為咽喉故置巡檢提健兵百人以遏狂寇官事修

舉民倚之得安存一非其人下罹苦害以區區之邑而有數百盜縱于其間傍與他盜者併力賊之則雖欲背死趨虛路而無由也曹君德華受命職捕盜既至頗革前弊約身廉馭兵嚴士不敢犯民則向所謂自盜者固已息矣於是封域靜寧帖焉亡驚居日多暇頗圖燕安先是視事廳風頽甫剝殆不可居得華醜之命工新其棟宇雖有取於民半出私俸規模宏偉數倍平昔可以示壯大若益堅其廉益厲其嚴亡是廳不害居是廳不媿苟殆其廉弛其嚴則是廳廣豁邃深軒危瑰瑋更盛於今日亦奚以為哉徒增過重不德爾後人至者其廉與嚴思有以上曹君可也若曰某屋未豐於是廳某屋未華於是廳思以土木之功加之則可乎不可也吾懼來者不知而務侈以殘吾民廳廳壁以示之

乞禁嚴巡尉迎送劄子

洪邁

臣竊惟巡尉之官專以捕盜賊督姦猾為職未嘗責其將迎上官巡視傳舍也而間者以來惟事趨走漫不復以職事為意而最甚者如都巡檢使所部或連三州或跨兩路凡監司守貳之去來必候之於境上所帶兵卒數十輩無俸可借則斂之眾軍以給所歷道路數百里無貲可贍則取之於民以濟若所除監司又或改命往往空行空反動涉一兩月設部內不虞而有鼠竊狗偷之盜當以何人捕之夫居此官者亦豈樂為奔走之役哉一或不至則上官以為失禮因緣摭使不安位故相承為例欲罷不能非有以懲革之實為未便臣愚欲望聖慈行下諸路提刑司約束所部巡尉今後遇監司知通初到許量帶兵級出一程防護若只值出處經歷而在監司五十里內者許其送迎過此以外皆不得出如尚敢循習遠去者乞并受接之官差治其罪庶使各安職業精意徵巡不至虛費軍力其為民害如

蒙聖意開可乞令刑部議法施行取進止


新編古今事文類聚卷之十五終

外集

所
圖
書



文
外
十
八



製 復 許 不